



ALVER
KOMMUNE

Plan og byggesak

Øyvind Hosøy
Markaneset 66
5251 SØREIDGREND

Referanser:
Dykkar:
Vår: 20/2473 - 20/21865

Saksbehandlar:
Anne Lise Molvik
anne.lise.molvik@alver.kommune.no

Dato:
26.04.2020

Avslag på søknad om tilbakebetaling av gebyr - gbnr 11/84 Hølleland

Administrativt vedtak:	Saknr: 439/20
Tiltakshavar:	Øyvind Hosøy
Ansvarleg sækjar:	Øyvind Hosøy
Søknadstype:	Klage på gebyr

VEDTAK

Det ligg ikkje føre særlege grunnar for å redusera gebyret, jf. Alver kommune si gebyrforskrift § 4.10. Søknaden om tilbakebetaling av gebyr vert avslått.

Grunngjevinga går fram av saksutgreiinga.

Saksutgreiing

Øyvind Hosøy bestir fakturert gebyr for igangsettingsløyve for tiltak på gbnr 11/84 Hølleland, jf. faktura 50000097, og ber om at det fakturerte gebyret vert kreditert. Grunngjevinga for kravet er at kommunen ikkje har halde svarfristen til tross for at søknaden om igangsetting var fullstendig og i samsvar med avklaringar med saksbehandlar i forkant. Det vert elles vist til skriv journalført mottatt 15.4.2020.

VURDERING

Tidsfristar for behandling av saker etter plan- og bygningslova kap. 20 føl av § 21-7, jf. SAK kap. 7. Søknadar om igangsettingsløyve skal behandlast av kommunen innan 3 veker. Dersom kommunen ikkje har avgjort søknaden innan fristen kan tiltaket settast i gang. Behandling av søknaden/igangsetting av arbeidet føreset at søknaden er fullstendig.

Søknad om igangsettingsløyve vart journalført mottatt 16.1.2020. Ved gjennomgang av søknaden vart det funne at søknaden ikkje var tilstrekkeleg dokumentert med ansvarsrettar for prosjektering. I brev datert 26.2.2020 vart det etterspurd tilleggskdokumentasjon. Slik

dokumentasjon vart mottatt 3.3.2020 og kommunen fatta same dag vedtak om igangsettingsløyve for heile tiltaket, jf. administrativt vedtak saknr. 231/20.

Søknaden om igangsettingsløyve vart behandla straks søknaden var fullstendig og såleis innan fristen. At tiltakshavar/søkjar fekk tilbakemelding om manglande dokumentasjon etter at ordinær saksbehandlingsfrist på 3 veker var ute er beklageleg, men gjev ikkje heimel for tilbakebetaling av gebyr etter plan- og bygningslova.

Gebyret som er fakturert i samsvar med gjeldande gebyrforskrift for Alver kommune for 2020. Det er ikkje høve til å klaga over ei forskrift, jf. forvaltningslova §§ 3, 28 og 40. Det kan derfor ikkje klagast over at det er kravd gebyr, eller over storleiken på gebyret, jf. føresegn 4.11 i gebyrforskrifta.

Det føl av føresegn 4.10 at kommunen kan gje redusert gebyr når særlege grunnar ligg føre. Vi kan ikkje sjå at det er særlege grunnar i denne saka som tilseier at gebyret skal bli redusert. At kommunen måtte be om tilleggsopplysningar i saka etter at saksbehandlingsfristen var ute kan ikkje vurderast som særleg grunn. Søknaden var ikkje fullstendig og innhenting av tilleggsdokumentasjon var nødvendig.

Tiltakshavar grunngjev søknaden i at den var fullstendig etter avklaringar med saksbehandlar. Kommunen vil her presisera at det er ansvarleg søkjar sitt ansvar at søknaden inneheld nødvendige opplysningar slik at kommunen kan ta stilling til om tiltaket er i samsvar med bestemmelsar og løyve gitt i eller i medhald av plan- og bygningslova. I dette tilfelle er heimelshavar ansvarleg søkjar. At kommunen har svart på enkeltspørsmål knytt til innsending av søknad om løyve til tiltak, jf. vårt skriv datert 9.10.2019, vil ikkje endra ansvarsforholda.

På bakgrunn av dette kan vi ikkje sjå at det er lagt fram grunnar som tilseier at gebyret skal tilbakebetalast eller reduserast i denne saka.

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Med vennleg helsing
Alver kommune

Marianne Aadland Sandvik
Avdelingsleiar

Anne Lise Molvik
Rådgjevar

Dette dokumentet er elektronisk godkjent og har difor ingen signatur.

Mottakarar:

Øyvind Hosøy

Markanaset 66

5251

SØREIDGREND

